

恒产始祖叔敦仁公谱序

我祖大宋讳颂公玄孙讳汉公之苗裔也按公始祖间居同安县葫芦山阳时子孙蕃盛科第联芳蝉绵相续故卜宅於郡中晋江南乡焉宅虽异处然丧祭共闻婚娶相告谱谍世系详具可考迨至元世祖皇帝鼎革以来诸宗伯叔义不肯仕愿受一厘而为氓而子孙领民藉於晋江分作盐民二役初无异二厥后军兴旁午丁役徭繁重支吾不给叔兄弟侄故有离二之举一派移入清溪湖山分居大成福山恒产等保支流蔓衍族属疏远不及悉志今遯吾祖 敦仁公乃大成福山从弟也 公性朴让质直胤子盛而徵微而复振至璋六世矣璋铨贡登仕虑世系不明后代之子孙必至忘其所自始至於互相摈外殊不知千枝万叶本始一枝千溪万涧本初一源奈何以同支共派竟至婚娶不相闻丧祭不相告视至亲为路人忍乎且世风渐漓骤贵而诋贱为非宗者有之骤富而冒贵为同祖者有之此吾谱之所以修也谱明则长幼序亲疏定溯所自生又溯吾祖之所自始如木之自枝而干犹水之自流而源也追念祖祢爰及苗裔则同气连枝一世而百千万世联络不紊也为吾子若孙者当承吾志继世而纂修之则庶几不坠使生卒有明也於是乎叙

皇明景泰七年黄钟之月吉旦六世孙璋修志奕诚敬录